

Arubaanse Courant

No. 9082

ANJA 27

Dia Nars 27 di Juni 1967

PROMER MINISTER KOSYGIN A SALI PA CUBA AWE MAINTA

NEW YORK -- UPI -- Promer Minister Sovietico, Alexei Kosygin, awe na ultimo ora a conferencia cu dirigentenan Arabier, prome cu ela sali pa Habana, riba su viahe di regreso pa Moscu. Funcionarionan di aeropuerto internacional John F. Kennedy a informa cu e mision Sovietico tabata tin un plan di vuelo cu lo hiba Kosygin Habana 10.50 awe mainta, aproximadamente un ora promer cu e salida cu a ser fihá.

E ultimo bishitantenan di Kosygin den e sede di mision Sovietico na Nacionnan Uni tabata President di Siria, Nouredin Alattasi, kende a keda den e edificio pa un ora y e hefe di delegacion Ruso den e organismo mundial, Nikolai T. Federenko. E entrevista spera entre Kosygin y Rey Hussein di Jordania, kende a jega New York diasabra anochi pa papia den Asamblea General, aparentemente no a ser realisa.

E Hefe di Gobierno Sovietico a bandona e sede di mision 10.56 a.m. den un caravana largu di auto cu a sigui caminda pa aeropuerto internacional.

Na Habana, Alexei Kosygin lo entrevista cu su colega Cubano Fidel Castro despues di un bishita di dies dia na Estados Unidos.

E hefe di Gobierno Sovietico y su comitiva a sali for di aeropuerto John F. Kennedy den un avion Ruso "Ilyushen 18" poco promer cu merdia riba un vuelo

cu lo dura cuater ora y 20 minuut pa e capital Cubano.

Kosygin a papia amablemente cu e periodistanan ora e tabata bandonando e mision Sovietico na Nacionnan Uni y na Aeropuerto, confirmando cu ta Cuba e tabata bai. E dirigente haltu a gradici e periodistanan pa e informacionnan obhetivo riba su bishita na Estados Unidos y despues pa medio di su interprete, ela expresá "Esaki ta nos revoir" y "adios Nos lo bolbe topa. Ora un corresponsal a puntrele si ta Habana e ta bai e promer minister a contesta: "Si! Conbopor?

Ora ela jega aeropuerto, algu promer cu merdia, e hefe di Gobierno a ricibi dos ramo di rosa corrá cual a ser entrega na dje door di esposanan di e miembronan di delegacion Sovietico di e organismo mundial y despues Kosygin a papia animá cu e periodistanan durante 25 minuut den un gesto inesperá pa e gobernante severo.

REY HUSSEIN TA BAI NEW YORK

WASHINGTON --UPI-- Rey Hussein di Jordania a salifor di Amman, dirigiendo su mes pa New York pa participa den e Asamblea General di Nacionnan Uni cual ta tratando riba e conflicto di Medio Oriente, segun a ser anuncia ayera pa Embahada di Jordania.

E portavoz di e embahada a bisa cu e soberano lo mester jega aeropuerto John F. Kennedy na New York majan anochi. Ela a-

gregá cu pa awor aki, Rey Hussein no tin proyectá pa haci un bishita na Washington.

Ehercito Jordania a ser derotá door di e forsanen Hudieuw den e promer oranan di e guerra Arabi-Israeli, cual a cuminsa dia cinco di e luna aki.

E teritorio Jordania na Ribera Occidental di e rieuw Jordaan y e ciudad antiguo Jerusalem ainda ta den poder di e Hudieuwnan.



Eilandsraad bieuw a reuni pa ultimo biaha awe mainta

WILLEMSTAD - Awe mainta dies'or Eilandsraad di territorio insular di Corsow a reuni pa ultimo biaha den su forma bieuw. Durante e reunion di awe mainta, tabata aprobacion di e cartanan credencial di e miembronan qu den e proximo cuater añanan lo forma e Eilandsraad di Corsow. Tur e cartanan credencial aki a ser aproba door di e comision qu Gezaghheber interino señor de Haseth a nombra y qu tabata consisti di señores Boy Rozendal, Fe Winklaar y Elmer van Rosberg.

AJERA TARDI MIEMBRONAN NOBO A PRESTA HURAMENTU.

Promer qu esei e presidente di Eilandsraad a menciona number di tur e miembronan qu lo forma e Eilandsraad nobo y quendenan awe tardi cuat'or lo presta hura-

mentu den oficina di Gezaghheber interino den Bestuurskantoor.

E unico hende qu a hasi uso di palabra awe mainta durante di e reunion aki di Eilandsraad tabata e lider di fraccion di Partido Nacional, señor Fe Winklaar.

E palabranan qu el a expresa

tabata pa tuma despedida di su companeronan di partido qu dene proximo cuater añanan lo no forma parti di Eilandsraad mas, ya qu despues di e derrota qu Partido Nacional a sufri na man di Partido Democratico den e eleccion di Eilandsraad, nancantidad a ser reduci te na 5 di e diesun qu nan tabatin en combinacion cu COP.

El a gradici e miembronan Henriquez, Hendrik y Cecilia y Moeniralam di NVP y e tres otro miembronan di COP que biaha aki ta "out".


Continuacion riba pagina 2

FATUM

Pa tur bo asegurado
Tel. 1845

WHITE HORSE

WIRCO



CAMPEON DI TUR WHISKY

PAL'I HOMBER.....

ta huma

PALI CIGARIA



KING

E REY

DI

TUR

CIGARIA

VIRGINIA BLEND
CIGARETTES

K I N G

E MARCA

TA

PAPIA

PA SU

MES



Conocedornan di cigaría ta preferá K I N G pa su
sabor rico di tabaco americano.

SUPERIOR TOBACCO COMPANY

E siguiente articulo riba bo lista ta:

TOMATI CATCHUP LIBBY'S

..... Pa haci bo cuminda
smaak mihor.



N.V. Winkel's Handel Mij.

ORANJESTAD TEL. 1431, 2397 SAN NICOLAS TEL. 53150

THEATER DE VEER aire acondiciona
ta presenta dia 30 di Juni; dia
1-2-3 & 4 Juli

This
is
"THE
GROUP"

A CHARLES K. FELDMAN
PRESENTATION
COLOR by DeLUXE
Released thru UNITED ARTISTS

THIS PICTURE IS RECOMMENDED FOR ADULTS



f. 2.--

18 aña.

MIRA BOU DI E TAPA

PEPSI-COLA; SEVEN
UP; KIST; GRAPETTE;
VICTORIA SODA-
WATER.

E tapa bou di cual
ta skirbi:

PREMIUM 1967

bo por cambia, tantem cu tin
na stock, pa:

3 tapa - 1 ballpoint
5 tapa - 1 glas
15 tapa - 1 telefoon directory
20 tapa - 1 deskroller pet
30 tapa - 1 T-shirt
35 tapa - 1 lighter
Y SIN PAGA NINGUN CEN
ASERCA.

Esaki ta worde ofreci sola-
mente pa e fabrica di limona-
da di mas grandi, mas moder-
no y mas popular di Aruba.

**VICTORIA BOTTLING
COMPANY**

SAN NICOLAS - Tel. 5197

BARATILLO

na

SHALIMAR PALACE

(Unda tabata Aruba Shoe Ba-
zaar promé) Nassaustraat no.
37, Oranjestad.

Zapato pa damas antes f.55.--
awor solamente f. 6.00.
Keds U.S. Rubber 1/2 prijs
Shimis pa damas 1/2 prijs
Lingerie Gotham 1/2 prijs
Beli Brassiere 1/2 prijs
Brassiere padams White Rose
solamente f. 1.50
Y hopi otro articulos, ta bay
awor na prijs mas abou cu nos
prijs di costo.

GIVE JEWELRY

Un joya ta un regalo ade-
cuado pa tur ocasion.
Y serca nos bo ta haya e
prijs mas favorabel.

**Ch. Rangunath -
Nassaustraat**

Regalanan cumpra serca nos,
ta worde grabá gratis.

NOBO NOBO NOBO
Nassaustraat 34

A caba di jega tela nobo Se-
fari Prints, pa bistir di Shift.
També tela nobo pa panja de-
portivo. Stretch Jersey pa
slacks den bunita color. Bu-
nita tela dike den diferente
color liso cu no ta machi-
kí, pa saya, bistir y pa suit.
Pa tela di bon calidad, nos
tin prijsnan mas abou.

**STATEN VAN DE
NEDERLANDSE
ANTILLEN**

heden DINSDAG, de
27ste juni 1967, des
avonds om 8.30 uur.

TE BEHANDELEN
ONDERWERPEN

15. Begroting der
Landsloterij voor
het dienstjaar
1966 (1967-1968-
10; 1966-1967-21;
1965-1966-50).

De Griffier

EILANDSRAAD BIEUW A REUNI

Continuacion di pagina 1

El a gradici nan pa e "coopera-
cion" qu semper el a haya di nan
y a declara qu "pueblo di Corsow
ta agradecido pa loque nan a hasi
durante qu nan tabata miembro di
Eilandsraad"

Un palabra di despedida espe-
cial e tabatin pa señor Henri-
quez, quende tin qu sali di Ei-
landsraad despues qu el a bini
ta forma parti di e colegio
aki for di 1953.

Den su discurso e lider traccion
di partido Nacional, Fe Winklaar,
a critica e miembronan di Ei-
landsraad qu a cambia di color
politico, pero a lubida esun di
mas grandi -- Moeniralam -- qu
tabata forma parti di su fraccion
y quende a haya palabranan di
elogio..

Ora e kier a ridiculisa Gezag-
hebber interino de Haseth, e pre-
sidente di Eilandsraad a corta su
palabra y a bisele qu den un

discursu di despedida no ta per-
tenece pa adelanta riba heche
qu e proximo Bestuurscollege
Gezaghebber lo bin hasi den
proximo cuater añanan.

Despues di e discurso di
Winklaar, presidente di Eiland-
raad señor de Haseth a gradici
e miembronan di Eilandsraad
despues di awe ta "out" y a
ma despedida di nan.

Dirigiendo palabra na e mie-
bronan nobo, el a declara qu
lo traha semper na interes gen-
ral di nos isla y qu e contradi-
cionnan politico nunca lo meste-
ta asina grandi qu nan lo no ye-
na un acuerdo cu otro.

Despues di esaki, e reunion
yega na su fin.

Awe tardi e miembronan no-
di Eilandsraad lo presta hun-
mentu y muy probablemente
otro mañan lo tin e proximo re-
union di Eilandsraad di Corsow
durante cual nan lo scoge e di-
tadonan qu lo forma Bestuurs-
lege di Corsow pa e proximo
ter añanan.



OPENBARE AANBESTEDING

De Administrateur van Financiën maakt bekend
dat de opening van de inschrijvingen met be-
trekking tot het Meerjarenplanproject:

"Het maken van een weg te
Bonaire, Nederlandse Antillen
tussen Antrilol en Lagoen".

Zal geschieden op 27 Juli 1967 om 11 uur plaat-
selijke tijd in stede van 29 Juni 1967 zoals eer-
der bekendgemaakt.

De Administrateur van
Financiën, Drs. B.M.
Lelto.

AVISO

Commandante di ma-
rinierskazerne "Sa-
vaneta" Aruba ta
participa cu dia 29 di
juni 1967 for di 07.00
- 17.00 or lo tin ehe-
cicionan di combate
riba terreno di Cali-
fornia Aruba.

Maximo altura di es
projectiel lo ta 3000
meter.

E terreno peligroso
riba terra lo wordu
marca cu bandera
corra y borchinan di
aviso.

E terreno peligroso
riba lamar lo ta 5000
meter for di costa.

ESNAN CU POR
LEZA INGLE

Nos ta invita tur esnan cu
leza ingles y cu kier comp-
de mensahenan di Bijb-
skirbi awe mes pa:

"Preaching the Tr

OF

"The way of life"

Na: Bible Mission, room

83, Woolhope Road,
Worcester, England.

Lo ta un placer pa nos mar-
bukinan aki gratis pa juda.

ABONA

**ARUBAANS
COURA**

DIESTRES A.S.U. OLYMPIADE

Awe, Diamars 27 juni:

4.30 & 8.00 p.m.
Tafeltennis Aruba-Cur-Pto. Rico-Venezuela-Colombia den So-
ciedad Bolivariana
7.00 p.m. Athletiek Wierrenen Aruba-Pto. Rico (Eliminacion)
den Lago Sport Park.
7.30 P.M. Biljart local den Watapana, gratis.

Majan, Dilarason, 28 juni:

- * Sociedad Bolivariana 4.30 p.m.
- * Tafeltennis Aruba - Cur-Pto. Rico-
Venezuela-Colom.
- * Lago Sport Park 7.00 p.m. Athletiek
Aruba-Pto. Rico (final)
- * Noord Sport Centrum 7.30 p.m.
Basketball local, fl. 0,50

Entrada general fl. 1.--, dos mucha cu un caarchi.

CONTEST DI SLOGAN DI S.B.B.B.A.

ORANJESTAD - E organisacion
pa promove e interesnan di e ban-
co di sanger di Aruba, a organi-
sa un contest di slogan, pa tur
alumnonan di Mulo y promete cu
tercer klas di HBS.

E condicionnan ta cu cada alum-
no lo por entrega un slogan den
un di e siguiente idiomaan.

Ingles hulandes of papiamentu.
Ultimo dia pa entrega e slogan ta
dia nueve di juli 1967, na sr. A.R.
Warren, na Landslaboratorium,
Aruba. Esun cu obtene e prome
lugar pa su slogan na ingles, hu-
landes of papiamentu, ta ricibi
un vale pa buki na valor di Fls.
10.--.

E segundo premio ta un vale pa
buki na valor di Fls. 7,50. Lo tin
tres prome premio y tres segun-
do premio.

Di e manera aki e organisacion
muestra e muchanan tambe
e utilidad pa apoya e banco di san-
ger di Aruba.

COOPERADORNAN NA E ANOCHI FOLKLORICO DI PBF

ORANJESTAD - E colaborador-
nan na e anochi folklorico di
Prins Bernhard Fonds, cual lo
worde teni dia prome di juli pa
och'or y mei den Coral Strand
Hotel como parti final di e accion
di e organisacion aki di bende-
mento di cuchara, ta:

Nilka Franka, Los Llaneros, The
Golden Treasures interpretando
musica Antillana, trio Los Soli-
tarios y como atraccion especial
lo tin e popular grupo di baile folk-
lorico di Corsow.

Despues di e show lo tin opor-
tunidad pa baila.

E show ta na beneficio di Prins
Bernhardfonds, cual organisa-
cion tin como obetivo pa promo-
ve cultura, musica y arte den
reino hulandes.

minde tabata Chelantia, e otro
bomber a pasa mas riba su eschou-
der y pa un motibu of otro tur
dos a bai suela. Cu ayuda di un
otro companjero nan a lantaback
riba pia, y esaki tabata e mo-
mento cual e victima a zandrasu
mama. E acusado a rabia y a
drenta su cara cu moketa, door
di cual e victima a cai abao na
suela. E acusado ta bisa cu ora
cu e victima a cai tres florin
a lora cai for di su saku y ela
cohe esakinan. Sin embargo e
victima a bisa polisnan cu el a
perde diessiete florin.

E hoben aki a duna recherche
cu ta duna e impresion cu taha-
ja el a hanja den su cabes pa dal
e bomber aki knockout y asina
e lo por a podera di su placa.
El a declara ante hues cu el adu-
na recherche e declaracion aki
pa motibo cu nan a dal'e cu mo-
kete den cara. Fiscal sr. S.H.
Tjon Ajong, a pidi hues pa puntra
e hoben aki un biha mas si en-
berdad e rechercheur a dal'e cu
moketa den su cara y el a men-
ciona esaki sunomber. E caso
aki a keda suspendi te dia shete
di juli ora cu lo tende testimonio
di e rechercheur dilanti hues.

Despedida di ir. J. Beck

ORANJESTAD - Diavieñeawor
lo tin un acto di despedida na ofi-
cina di Water- en Energiebedrijf
na Balashi, durante cual lo ho-
monajea e befe di e departamento
aki sr. ir. J. Beck. E despedida
aki lo tuma lugar pa tres'or y mei
di atardi.

Ainda no ta conoci unda sr. Beck
proximamente lo dreña servi-
cio.

SEMINARIO DI HOTEL WORKERS UNION A CUMINZA.

ORANJESTAD - Den conference
room di Aruba Caribbean Hotel
a cuminsa ayera mainta siet'or un
seminario di Hotel Workers U-
nion. E seminario aki lo dura te
dia prome di juli, for di och'or
di mainta te cuat'or di atardi y
lo ta bao di direccion di sr. Ro-
sendo Vlaam, secretario general
di HWU.

Na e seminario aki tin un total
di diez persona ta tuma parti y
esakinan ta miembronan di direc-
tivo y shop stewardnan di HWU.

Durante e seminario aki lo pone
atencion especial na e organi-
sacion c.a.o., statutanon, con-
tractnan y algun otro punto mas.

Directiva di Jeugdhuis Jong Bo-
naire ta duna di conose cu tur
diarazon i diavieñes for di tres'
or te seis'or di atardi tin oca-
sion pa muchanan por bai hunga
den mencionada Jeugdhuis. Dia-
razon ta pa mucha muherman y
diavieñes pa mucha homber-
nan. Ta ser haci posible pa or-
ganiza tur sorto di wega, pa asi-
na e muchanan no tin mester di
bai hunga riba caja caminda nan
ta core peligro y tambe nan ta
bao di vigilancia di persona
capasita.

Directiva ta spera cu hopi ma-
yor lo haci bon uso di e oportu-
nidad aki y manda nan jloenan
Jeugdhuis caminda nan por ta
sigur cu nan jloenan ta bao di
vigilancia.

Directiva di Jeugdhuis Jong Bo-
naire ta haci tur posibilidad pa
aunque delinquencia nan hubenil
no ta asina hopi aki na Bonaire
pa organisa e mucha nanyasina
e malo aki no por cria raiz, loke
ta cuibini ningun hende.

Ta di aplaudi e iniciativa aki y ta
di spera cu tur cu ser pidi pa
cooperacion lo sabi di contribui
ya cu esaki ta na beneficio di
Bonaire.

Nos lo bini cu mas informe
di e trabao nan cu ta ser haci den
mencionada Jeugdhuis y nos lo
keda tene nos lector nan alcor-
riente di un que otro.

Biramentu di cabes

Pa: Dr. A.J. Samander

"Esun cu tin salud tin speranza y esun cu tin speran-
za tin tur cos."

Casi tur hende maske ta un biha den nan bida a sufrí di biramentu
di cabes.

Si nan no a sinti biramentu di cabes nunca, esei ta nifica qu nunca
nan no a bira malu of qu nunca nan no a enamora.

Biramentu di cabes ta un sintoma masha generalisa. Hendenan
qu realmente ta enamora ta cana como si fuera nan no ta pertenece
na e mundu aki, pero nan no kier pa ningun hende cura nan.
Hende qu a tuma demasiado traguito tambe tin biramentu di cabes
pero nan no por hanja e oficina di dokter. Sobra di e patientnan qu
tin biramentu di cabes ta un problema formidable riba nan mes pa-
sobra tin un multitud di enfermedadan qu por produci e sintomanan
aki.

Tin biha un patient no ta compronde un dokter tin qu examinele
completamente pa determina kiko ta causa su biramentu di cabes.

E loque nos ta bai splica a continuacion, talbes lo clarifica e punto
aki completamente.

Inflamacion di oreo por causa biramentu di cabes y naturalmente
si combati e inflamacion aki cu un cierto antibiotica, e por cura e
inflamacion y asina elimina e biramentu di cabes.

Inflamacion den nanishi, "jam" den oreo, amandelnan inflama,
etc., tur e cosnan aki por causa e sintoma aki pero cada uno ta existi
un otro tratamentu. Tumornan qu rara bes ta presenta, un tumor
den cerebro, infeccion di cerebro, etc., tur esakinan por produci
biramentu di cabes. Algun di e cosnan aki mester worde opera pa
por yega na un curacion total.

Segun nos ta yega den vecindario di pechu, nos ta observa qu en-
fermedad di curason, presion haltu di sanger of presion abao y un
fallo den curason por produci e mesun sintoma. Serca hendenan di
edad avansa, arteritis por ta un causa masha comun di biramentu
di cabes.

Entre hendenan mas hoben, bloodarmoeje causa pa cualquier cos
por ehempel ulcera gastrico, carni qu ta crece, aambeí cu ta basha
sanger of enfermedad di sanger manera leukemia por ta e razon
di con un patient ta yega serca un dokter y bisele: "Dokter, mi ta
sinti como si fuera constantemente mi cabes ta bira".

Naturalmente e patient ta here qu dokter lo examina solamente
su cabes y hanja e problema ei nan. Pero manera nos a caba di mi-
ra, biramentu di cabes mescos qu algun otro sintoma, tin biha,
mester di un check up completo promer qu e dokter por yega na
un diagnosis correcto.

Un dokter gusta trata un enfermedad y no un sintoma, pasobra
solamente asina e por trata di logra curacion pa e patient.

Otro causanan di biramentu di cabes ta por ehempel si hendenan
nervioso cuminsa hala rosea masha pisa, diabeticonan qu perde
control, of diabeticonan qu no a ser diagnostica debidamente, reac-
cion riba cierto droganan qu un hende malu a hanja, hendenan qu tin
qu sigui un dieta masha estricto, hende qu ta papia di mas y e hende-
nan qu ta sencha nan.

Ta casi increibel pa here con dificil tin biha ta pa un dokter pa
splica cierto patientnan qu un cierto sintoma na un cierto parti di
su curpa por ser causa pa un enfermedad na un otro parti di su curpa.
Tin biha un patient ta bini back y ta pidi pa un cierto remedi qu un
otro dokter a dunele --tin biha den un otro pais-- y nan ta bisa qu
tal remedi a duna nan hopi alivio. Pero no ta mihor si bo laga bo
dokter duna bo e remedi qu por cura bo.... Sin embargo, sernan huma-
no ta dificil pa convence.

Den verano di 1951, nan a tene un reunion na e Universidad Ameri-
cano di Beirut pa un dama prominente y en di corahe, Helen Keller,
quende a nace ciegu, surdu y muda pero asina mes a obtene hopi ti-
tulo. Un estudiante a lanta para y a puntrele:

"Con bo ta sinti bo si bo ta ciegu y surdu?"

E silencio a ser desbarata pa su contesta famoso qu tabata:
"Mi yiu, ta muchu mas peor pa bo tin wowo y oreo, pero bo no ta
capaz di mira of tende".

BERRY'S WORLD



© 1967 by NEA, Inc.

"One of these days, the Kennedys will take over politics;
the Sinatras will take over show business--there'll be
NOTHING LEFT!"

CHARCOAL FILTER



TABACO

FINO

HUMADA

PURO Y

SALUDABLE

PAGINA DEPORTIVA

PRESENTA

PA:



PUERTO RICO CAMPEON DE CARIBE EN JUDO

.....CAMPEONATO EXITOSO.....

(Di Nos Redactor Deportivo)

Tambe pa e segundo parti di e campeonato di judo entre Islas Caribenjas a reina hopi interes di parti di publico. E segundo parti a wordu teni diadomingo den oranan di atardi i na Eagle y tabata forma e encuentranan entre equiponan di e diferente islanan.

Atrobe e bon organisacion di Aruba Judo Bond a percura pa henter e programa bai manera debe ser. E organisacion aki ariba su mes ta un gran propaganda pa e mundo deportivo di Aruba e quinteto boricua a confirma loke ya e anochi promer nana demostrea y a bira campeon invicto di Islas del Caribe. E judokanan di Pto. Rico a demostrea un masha bon preparacion. Subcampeon a bira e equipo di Corsowapesar di e desventaja di cu Paul Perri tabata sufri cada biaha den su peleanan di e contusion di un ribchi. E quinteto Arubano cu no a conta cu su mihor judoka Ramon Sharpe a keda den tercer puesto mientras cu Republica Dominicana a keda ultimo sin sikiera obtene un punto. Na promer lugaa topa otro e equiponan di Sto. Domingo y Pto. Rico.

Cu anotacion di 40-0, e portorikenjonan a sali victorioso. Quesada y Jimenez a percura pa venciendo Alai y Kidd respectivamente, mientras cu Horta Chandry y Martinez a obtene cada uno 10 punto conta di sitio, Rodriguez y Giraldez, kende a perde pa default debi na su rudia malo.

Facil triunfo Aruba a obtene contra di Martinique cu no apresetan ni a laga sabi algodi su ausencia.

Luego a toca na enfrenta otro e equiponan di Aruba y di Corsow. Contra di Bacuna, e arubano Candido Tromp a percura pa 5 punto. Sambo a pone Corsowadilanti ganando di Adolf Croes cu 10 punto. Tambe Paul Perri a duna e equipo di Corsow 10 punto venciendo Trimon, ora cu Toko Tromp a obtene decision ariba Levenstone e desventajadi Aruba a bira cinco punto menos. Triunfo di Euladio Nicolaas ariba Cornelis Smith a pone e total di punto pa cada isla igual esta 20-20.

Como cu Aruba tabata tin tres triunfo e victoria di e encuentro a bai pa Aruba. Trainer Eddie Snijders a protesta na e comite organisador, pero el a wordu muestra cu e convenio tabata esey, esta cu den caso di empate lo por cai un decision door di e cantidad di combate gana.

Tambe Corsow a bati Sto. Domingo 40-0, loke a elimina e dominicanonan por completo. Bacuna a supera Alai pa 5 punto, Sambo a obtene 10 contra Kidd, Perri 10 contra Saito, Levenstone 5 punto contra di Rodriguez y Smith 10 punto contra di Giraldez.

Aruba y Pto. Rico a duna luego fuerte combate terminando den un empate tanto den puntuacion como den triunfo logra. Candido Tromp a obtene 10 punto contra di e campeon Quesada. Cu decision ariba Croes, Jimenez a hanja 5 punto. Victor Horta a pone su equipo ariba 10 punto contra di Trimon. E combate entre Toko Tromp y Juan Chandry a termina den em-

pate. Luis Martinez y Nicolaas a topa luego y cu decision Nicolaas a gana pa 5 punto arubano.

Como cu tabata tin un empate completo cada un di e equiponan mester a manda su mihor homber ariba mat. Esaki a causa largo momento di un espera inquieto cerca e publico cu ansiosamente tabata warda pa mira cual lo ta e dosnan cu lo bai topa otro pa dicidi. Cerca Pto. Rico e decision a cai basta liger cu nan lo manda Luis Martinez e gigante di mas di 250 liber. Aruba a prefera di manda Toko Tromp, kende a percura pa un combate emocionante. Varios blaha Martinez a trata di manda Tromp suela sin logra. Pa decision Martinez a resulta ganador loke a duna Pto. Rico e triunfo y pone den final.

E segundo finalista a wordu dicidi entre Aruba y Corsow cualnan mester a topa pa dicidi. Un blaha mas Candido Tromp a resulta superior na Bacuna pa 5 punto di Aruba. Sambo tambe a muestra di ta mihor den su division ganando di Trimon pa 10 punto di Corsow. Perri a haci meskos contra di Trimon dundo Corsow ventaha di 20 pa 5. E combate entre Toko Tromp y Levenstone a termina den un empate, loke a sella e victoria pa Corsow.

E cinco puntonan cu Nicolaas a trece contra di Smith pa Aruba ya no por a yuda mas: Score final a bira 20-10 pa Corsow. Den e final a topa otro Corsow y Puerto Rico.

Cu cada combate e publico tabata goza un cantidad. Bacuna a duna Corsow ventaha ganando di Quesada pa decision. E ventaha Curazolenjo a aumenta ora cu Sambo a gana di Jimenez. Perri sin embargo a perde pa decision contra di Horta loke en realidad tabata e puntonan cu mas Corsow tabata tin mester. Den e divisionnan pisa e equipocurazolenjo no tabata tin chens. Tanto Chandry como Martinez a coge: Cada uno 10 punto pa Puerto Rico loke a duna e boricuanan merecidamente e titulo di campeon Caribenjo. Subcampeon a bira Corsow mientras cu e tercer puesto a bai pa Aruba.

Hopi elogio a worde expresa despues pa diferente orador pa e organisacion di e segundo campeonato.

Entrega di e copa di campeon cu e palabranan adecuado di felicitacion a wordu haci door di e reina di deporte srta. Mercedes Oduber.

OTRO ANJA NA PTO. RICO
Den e congreso teni diasabra mainta a wordu dicidi cuetercer campeonato di judo di Islas del Caribe lo wordu teni na Pto. Rico den luna di augustus. Adem as a wordu dicidi di forma un confederacion Caribenjo cu lo keda en carga di anualmente organisa e campeonato Caribenjo. Otro islanan lo wordu invita pa afilia.

Tambe a keda dicidi cu e presidencia y tesoreria lo ta den man di e isla cu ta organisa e proximo campeonato.

Den e caso aki pues di Puerto Rico. Presidente ta pues Vicente J. Mayol mientras cu e tesorerero lo wordu nombra door di e persona aki.

Debi na e bon forma cu el a percura pa e organisacion di e dos campeonatonan e secretario wordu duna na Carlos Bisli di Aruba, kende lo tin di formula statutonnan pa e confederacion. Otro miembronan di directiva ta Florentino Leidi Corsow y Jose Antonio Wittkop di Sto. Domingo.

RESULTADO DE OLIMPIADA A.S.U.

ORANJESTAD - Diez tirador a raporta diadomingo mainta pa e encuentranan di trap-shooting den cuadro di e olimpiada ASU. Ganador a bira Carlos Kelkboom, kende a obtene 42 punto. Tambe a obtene un premio Piet Bekley como numero dos cu 40 punto y Maxime Saladin como numero tres cu 38 punto. Empate na di cuarto lugar a termina Roberto y su tata Rogelio Maldonado cada uno cu 37 punto.

Tambe e di seis y shete lugar a ser reparti entre Ch. Raghunatha y Elias Habibe, kendenan a obtene cada uno 36 punto. Numero ocho a bira Art Lamour cu 33 punto, numero nueve F. Loonstra cu 32 punto y numero diez Ronnie Marugg cu 29 punto. E ultimo aki a obtene un poedel prijs den forma di 1 gallon di ice-cream di Piet's Soda Fountain.

BOWLING

Door di obtene un victoria di 3-1 diasabra anochi den Club Caribe e hungadornan arubano di bowling a empata e encuentranan contra Corsow. E hungador cu score mas halto pa Aruba tabata Carlos Guillamon cu 211 punto y di Corsow Bea de Castro cu 169 punto.

Diadomingo sin embargo e curazolenjonan a bolbe demostrea nan superioridad y a ripiti nan victoria di 4-0 di diabierna anochi. E ultimo encuentro a ser hunga den Tivoli Club. Pa Aruba a destaca Anthony Beaulon cu 230 punto, mientras pa Corsow George Brandao a obtene 198 punto.

Na final Ru Arends a entrega e copa na e capitan di Corsow na nomber di ASU.

De promedio di Aruba durante e tres encuentranan, tabata cerca e damanan: Kay Fodermaier cu 134, Verna Beaulon cu 122 y Rina Mansur cu 122; di e cabayeronan A. Beaulon 184, Oscar Hart 181.2 y Carlos Guillamon 153.

E promedio di e hungadornan di Corsow tabata Bea de Castro 154, Poppy Eddine 145.8, Sandra Pleeters 125, H. Daou 173, Bob Arends 168, George Brandao 149 y Ferys Daou 145.5.

VOLLEYBALL

E ultimo dos partidonan di volleyball, hunga diadomingo mainta na Santa Cruz, a termina den victorianan pa e equiponan di Puerto Rico. E damanan di Aruba a perde den dos game sigi cu 15-11 y 15-12.

Tambe e cabayeronan di Aruba mester a soporta un derota. E fuerte equipo di Puerto Rico a

gana cu 3-0. A pesar di esey, e accionnan tabata fuerte den cada game y cualnan a termina 16-14, 16-14 y 15-13.

Na final sr. Felix Geerman, vicepresidente di AVA a gradici e hufspednan pa nan cooperacion y a felicita nan. E copanan a ser entrega pa reina di deporte srta. Mercedes Oduber.

ESGRIMA

Pa e encuentranan di landamento cu a tuma lugar den e piscina di Aruba Caribbean Hotel a reina hopi interes. E organizacion tabata den man di Milo Croes, F. Scoop, Ch. Bergen, F. Angela, J. Zonneville y F. Thijssen.

Den e clase di damas, menos cu 12 anja riba un distancia di 25 meter, Marianne Hilgers a bira numero uno (18.5 sec.), numero dos Josine van de Voort (18.7) y numero 3 Mariella Arends (19 sec.).

Damas di 13 te cu 15 anja riba un distancia di 25 meter. Numero 1 Kitty Cohen (17), numero 2 Ray Cohen (17.2) y numero 3 Teddy Morren (17.3).

Damas mayor di 16 anja riba distancia di 50 meter, numero 1 Rene Broekhuijs (41.6) numero 2 Janet Smith (41.7) y numero 3 Lee Bilderbeek (41.9).

Cabayeros, abao di 12 anja riba distancia di 25 meter. Numero 1 Erik Arts (17) numero 2 Eloy Arends (19.8) y numero 3 Ton Spk (20.2).

Cabayeros di 13 te cu 15 anja, distancia 50 meter. Numero 1 Kees Muijt (35.6) numero 2 Adri Zonneville (36) y numero 3 Tony Groeters (37.2).

Cabayeros, mayor di 16 anja riba distancia di 100 meter. Numero 1 Anton Smid (117.1), numero 2 Fred Ietswaard (117.6) y numero 3 Roly Bislick (117.9).

BASKETBALL

E encuentranan di basketball pa cabayeros hunga diasabra anochi entre un seleccion di A-klase di Aruba y e quinteto di Sithoc for di Corsow a termina den un victoria di 35-26 pa Aruba. Topscorer pa Aruba tabata Fernando Runnit cu 13 punto. J. Kenepa y R. Schoop tabata e mihornan pa Sithoc cu 8 punto cada un.

E encuentranan preliminar entre dos seleccion di damas local a ser gana pa seleccion A cu 34-14. Topscorer pa seleccion A tabata A. Purcell cu 10 punto y di seleccion B Myrna Carrilho tambe cu 10 punto.

Hopi danjo material den accidentenan di trafico durante e weekend.

ORANJESTAD - Departamento di trafico tabatin un fin di siman bastante ocupa, atendiendo e diferente accidentenan cu a ocuri. Den mas o menos tres ora di tempo, a ocuri no menos cu cinco accidente serio, local a ocasiona un total di danjo material di Fls. 7000.

Pa mas o menos tres'or y cuartu diadomingo marduga, un auto di familia coriendo cu un velocidad hopi haltu a dal contra di cura di un cas na Pos Chiquito. Inmediatamente despues di e accidente aki e chauffeur a plama panja bai.

Sin embargo polis a logra captura un di e otro personanan cu tabata den e auto aki. Ta trata di un dantes di e tanker "Denmark".

For di e declaracion di e homber aki a resulta cu ta joyriding nan a comete cu e auto. E danjo material total ta Fls. 1500.

Dos siman sera pa bendementu di catochi

ORANJESTAD - Entre dia prome pa diez di april, W.F.E. a bende un catochi. Ela worde atrapa pa autoridadnan policial y diabierna mainta e mester a presenta dilanti juez pa duna cuenta di su acto. Na momento cu polis a aresta e acusado aki tambenan a cohe tur su rekesitonan relaciona directamente cu e catochi den beslag.

Ya ta diferente blaha cu e homber akita worde procesa pa bendementu di catochi. Contra e acusado aki fiscal sr. S.J. Tjong Ajong a pidi un castigo di un luna sera, pa deshaci di tur e corotonan relaciona cu e catochi. E plaka cual tambe a worde tuma den beslag ta bai pa gobierno. Ora cu juez a puntra e acusado si acaso e tini algu di bisa riba e castigo aki pidi pa fiscal, ela contesta cu masha lo eno por bisa pasobra e sabi cu ela comete un acto castigable, pero lo tabata bon pa juez, prome cu dicta su sentencia tuma na cuenta cu e ta un tata di familia y cu si e bai sera esman cu lo resulta mas tantu perjudica ta su jlanan.

Considerando e punto di defensa aki cu e caballero a trece dilanti juez a sentenciele na un luna sera di cual dos siman condicional cu un tempu di prueba di dos anja. E ta hanja su vulpen Parker y su bolpoint back pero e otro articulonan ta worde destrui y e plaka ta keda pa gobierno.

ENTREGA DI PREMIO PA SCIENCE FAIR

SAN NICOLAS - E alumnonan kendenan trabao a worde premi durante e feria cientifico di Lago lo ricibi e premionan aki diahueves awor. E entrega di premio lo tuma lugar dos'or y mei di atardi den Esso Club na Sero Colorado.



Dia grandi ta acercando

50 ANJA DI ENLACE MATRIMONIAL

WILLEMSTAD - Pa e pareha conoci Shon Theo Kraft di 80 anja di edad y Shon Icha Kraft de Haseth di 78 anja, diamars wor lo ta un dia grandi. Riba dia aki nan lo recorda cu cincuenta anja pasá nan a contrae enlace matrimonial. E pareha aki tin dos jiu muher cu a una nan siete nieto, cual ta orgullo di e "pareha di oro".

Shon Theo como Shon Icha gosa di un salud perfecto. Shon Theo tin un carrera extraordinario di servicio di ambte-ear tras di lomba mientras e awor aki e ta activo como presidente di Deviezen-Commissie y Vice presidente di Spaar-Beleenbank. E ta Officier en Orde di Oranje van Nassau tambe.

Un di e jiu muhernan a bini Corsouw for di Hulanda caminda e ta biba pa e evento hubilacion aki.

E pareha di oro ta spera di celebra nan fiesta di oro den ambiente

intimo di famia y esaki lo ser realisa na cas di un familia.

Na anja 1939 ela bai cu vertof Hulanda caminda guerra a sorprendele. E tempu ey Shon Theo tabata Post-directeur. A consecuencia cu guerra a cuminsa net ora nan tabata na Hulanda nan mester a keda e pais aki durante e anjanan 1940-1945.

Na su regreso na Corsouw na December 1945, Sr. Kraft a ser asercá pa presta su servicio na Banco di Antillas Neerlandes. Di e tempu ey te anja 1963 e tabata den servicio como director di Banco. Gracias na Sr. Kraft entre otro, cu semper Florin Antillano a keda stabiel den su valor.

Entre otro, Senyor Kraft ta miembro di honor di Rotary-Curacao, ademas di ta ere-lid di Ambtenarenbond y Club de Gezelligheid. Aparte di esey e tabata e promer presidente di

Ambtenarenbond, den un tempu cu gobierno no tabata mas entusiasma pa organisacionnan di ambtenaarnan.

Algun luna pasá, Sr. Kraft a termina su trabao como presidente di Curacaosche Hypotheekbank. Na total, Shon Theo Kraft a traha cincuenta anja mas o menos como ambtenaar den servicio di su pais. Pa su servicio nan numeroso Su majestad La Reina a condecorale cu e nombramentu di officier den Orde di Oranje Nassau. No obstante su 80 anjanan, ainda Shon Theo Kraft no tin mester di bril, e mes ta stuur.

Debi na e humilde cu Shon Theo Kraft tabata semper, y pa motibu di e fenomenal cantidad di conocirnan y amigunan cu sin duda lo bin cumindele e no ke celebra su cincuenta anja di matrimonio publicamente y a decidí di realisa esaki den ambiente intimo di famia.

Na number di henter comunidad nos ta desea Shon Theo y Shon Icha Kraft hopi anja mas den bon salud.

Comision investigador di OEA a yega Venezuela

CARACAS --UPI-- Uncomision Organizacion di Estadonan Americano (OEA) lo yega Caracas anochi aqul pa examina e prueban ofreci pa Venezuela pa pidi indenacion continental dje agresor Cubano.

E comision mester yega den un avion Panamericano pa 9.45 di anochi. Lo e ta presidi pa Fernando Ortuno Sobrado di Costa Rica y su miembronan ta: Sol Snowitz di Estados Unidos, Enrique N. Rosario di Republica Dominicana; Jose Camacho Loren de Colombia y Andres Aramayo Alvarez di Peru; denter dje representante nos ta hanja Alfonso Guardia di Costa Rica, Ward P. Allen y Richard A. Pole di Estados Unidos, Alejo Sanchez Adonde de Colombia y Leonidas Rodriguez di Peru.

Alrededor di 100 poliznan secreto lo ta responsable di seguridad e grupo, segun a ser informa pa un portavoz di ministerio di gobierno.

E ministronan di relacionnan exterior y di gobierno, Ignacio Iribarren Borges y Reinaldo Leonardo Mora, lo ricibi e comision na aeropuerto.

E canceller Iribarren Borges a declara cu e gobierno lo duna na

e grupo "ayudo maxima den su investigacion".

Tabata despues dje secuestro of asesinato di Julio Iribarren Borges, ruman dje ministro di relacionnan exterior, cu e gobierno Venezolano a anuncia su decision di pidi un reunion especial di cancellernan americano pa trata riba e intervencion Cubano.

E elemento clave dje investigacion internacional ta e subterfugio Cubano Manuel Gil Castellanos cu a ser captura luna pasa ora cu e tabata trata di infiltrar un trupa di guerrilla venezolana.

E comision a ser organiza na comienzo dje siman aqul durante e reunionnan consultiva riba e solicitud di Venezuela den OEA. Na su regreso na Washington e comision lo presenta un informe respecto su investigacionnan, i esaki lo ta e documento basico pa e reunion proponi dje cancellernan.

E nota culminante dje investigacion lo ta e interrogatorio di Gil Castellanos, cu a ser captura pa un patrulla di ehercito riba dia 8 di Mei na Machurucuto, parti este di Caracas.

Den e choke a muri e teniente Cubano Antonio Briones Mixtoto

y nan a arresta e miliciano Pedro Cabrera Torres.

E miliciano a horca su culpa den su cel dia dos di Juni ora cu e tabata spera di ser procesa. Partido Comunista Cubano a confesa cu e tres hombernan aqul tabata boluntarionan pa fuerza revolucionario Venezolano. Actualmente Gil Castellanos ta presu den prison militar di San Carlos, situa den centro di Caracas.

Nan a informa cu e comision ta interesa tambe na interroga e campesinonan venezolanu cu a informa na autoridadnan respecto e mision di infiltracion na Machurucuto.

E peticion Venezolano a ser planteada en vista di recrudescimiento dje terrorismo comunista cu tabata inclui atakenan guerrillera contra ciudadnan di interior y actonan di sabotage contra companianan americano, mescos tambe cu e asesinato di Julio Iribarren Borges, ex-director dje instituto di seguro social.

E ola di terrorismo a tuma lugar na dos suspension parcial garantianan constitucional. E ultimo ainda ta vigente.

ANN LANDERS

ARIES (mar. 21 a abril 19) En su afán de ganarse el respecto de otros puede que gaste más de lo necesario.

Dedique más tiempo a su apariencia. Sea práctico.

TAURO (abril 20 a mayo 20) No ignore deberes vitales a suble-nestar. Depende de usted mismo, persevera. Ayude a un amigo que tiene problemas.

GEMINIS (mayo 21 a jun. 20) Ciertos amigos están metidos en un dilema. Depende de usted darles el consejo apropiado. Use su intuición y todo se arreglará.

CANCER (jun. 21 a jul. 22) Siga todas las reglas aplicables a usted. No se enrede en asuntos extraños. Gáñese el respeto y consideración de sus amigos.

LEO (jul. 23 a ago. 22) Sea muy discreto respecto a las ideas y personas.

Acepte sólo las mejores. Ocurrirán cosas fascinantes a su alrededor si pone atención.

VIRGO (ago. 23 a sept. 22) Usted tiene maneras hábiles de operar. Trate de llegar a las decisiones correctas. Su consorte está algo nerviosa. Tenga paciencia.

LIBRA (sept. 23 a oct. 22) No siga protestando tanto con un socio. Escuche tranquilamente. Otros interesados en un proyecto parecen estar equivocados.

ESCORPION (oct. 23 a nov. 21) Ocupese del trabajo que tiene a mano. No espere que sus asociados lo hagan todo. Haciendo su parte logrará éxito.

SAGITARIO (nov. 22 a dic. 21) Salga a divertirse con amigos ya probados. Gáñese el favor de personas fascinantes. Use ese sentido común tan imprescindible.

CAPRICORNIO (dic. 22 a ene 19) Deje que haya mucha actividad, pero tenga cuidado con lo que dice. No deje escapar una palabra áspera. Refuse discutir con otros.

ACUARIO (ene 20 a feb. 18) Cualquiera cosa relacionada con los asuntos monetarios necesitan más atención. Es bueno estudiar ideas nuevas. No obstante, tenga cuidado.

PISCIS (feb. 19 a mar. 20) Usted se puede ganar el favor de personas influyentes. No llegue a decisiones rápidas o le pesará después. Tome su tiempo para pensar.

SI SU HIJO NACE HOY..... Será uno de esos hombres interesantes que en un momento parecerá haragán y de repente quiere poner en movimiento todas sus ideas.

La luna tiene mucho que ver con ese comportamiento. Enseñele a usar su buen juicio.

HOROSCOPO

Querida Ann Landers:

Fin di e anja aki nos joe ta bai casa cu un mucha muher cu nos stima mashá. E ceremonia matrimonial lo tuma lugar na misa naturalmente y e recepcion lo ta na un hotel.

Nan tin intencion di manda 250 kaarchie pa e recepcion y nos tin mag di invitá 100 hende. Nos ta eens cu esaki, como nanfamia ta muchu mas grandi cu di nos, nan a biba aki mas tantu, pues nan conoce hopi mas hende cu nos. Pero e cos cu ta contra nos ta cu, mama di e bruid a tene un lista di delaster regalu di ricibimentu, casamentu, hacimentu di anja etc. etc. cu ela haci den e ultimo anjanan plus ela nota e prijs y awor nan ta invita hende cu nan tin siglo sin mira, djies pasobra e hende aki "debe un regalo". Ami y mi casá a keda stom. Nos mester bisa nan cu e cos aki ta ridiculo of ta asina cos mester bai?---SWJ.

Querida SWJ:

Parientenan di e bruid ta encargá cu e casamentu y bo responsabilidad ta pa invitá 100 hende na e casamentu. Cla. Naturalmente loke nan ta haciendo ta ridiculo pero bo no tin mag di comentá riba esaki.

Querida Ann Landers:

Mi ta mama di dos mucha chikitu. Poco tempu pasá ey, nos a muda pa nos cas nobo, cu cual mi ta encantá, pero keda cas siete dia y siete anochi pa siman, 24 ora pa dia, ta traha riba hende. Weekend mi casá ta na cas y e muchanan ta drumi, m'a pidiele pa mi baina cas di un bisinja pa combersa un ratu y bebe koffie. E ta bisa no ta necesario, --un muher no mester cana na porta di hende, e mester keda na su cas. Mi casá ta sali cas 8'or y jega back 6'or. E ta bai bowling dos biaha pa siman. Mi no ta hanja cu ta fair pa ami lo ta sali debbes en cuando. Si mi no tin razon bisami.---Mará....

Querida Mará:

Tur loke mi ta bisabo ta di busca un baby-sitter y bai bowling cuné, maske ta pa sinta mira. Of join un club di cosementu, of Club di boekie of cualkier organisacion di misa, algu cu lo dunabo un estimulacion intelectual y un variacion a la ves. Y no bisa cu bo no por paga un babysitter. E ta mas barata cu dokter di cabes, cual lo bo tin mester despues si bo siguiasina.

Querida Ann Landers:

Mi tabatin 19 anja, dia m'a sali na estado sin casa. E mucha homber kjer a casa cumi, pero mi ta contentu di por bisa cumi nengele. Tabata e decision correcto y mi ke bisa tur mucha muher cu algun dia por hanja nan den tal situacion di hanja curashi pa haci manera ami.

Awor e amargura a pasa, mi ta liber pa forma un bida nobo pa mi mes. Ademas mi joe ta den cas di un pareha feliz cu por dunele e seguridad cu ami lo no por dunele. Mi prima di 17 anja cu a sali na estado si a casa, como su hendenan di cas tabata desea esaki, y awor su bida ta miserabel. Su casá ta hanja cu ta un favor ela haciele y pesey e ta haci y deshací pa saca su sla. E baby ta asmativo y mi prima parce sobrá di morto. Su dokter y domi a recomendete divorcio. Bisa mucha muhernan pa nan sócarga nan pena. Lo no duel nan--Dianan di solo.

Querida Dianan:

Ta cuanto biaha mi no a bisa cu un homber cu casa forsá ta bira un casá miserabel? Danki pa bo carta.

PERISCOPIO MUNDIAL

Aeropuerto internacional di El Cairo ta serrá pa tráfico

EL CAIRO -- E aeropuerto internacional di e capital Egypcio a ser cerrá awe pa tur transito di avionnan estranhero di pasahero, segun a ser anuncia pa fuentenan autorisá. Nan no a duna splicacion pa e medida cu nan a toma.

E informantenan a señala cu ningun avion a subi ni baha for di ayera nochí y cu e aeropuerto a keda habri solamente pa e delegacion di Checoslovaquia cu a yega awe mainta trempan.

106 comunista y 80 mericano a muri den un combate diahuebs

SAIGON -- E alto mando militar di Merca a informa ayera cu 106 soldá di Vietnam del Norte a muri elimina door di peloton norte-americano durante un campanja cu a tuma lugar diahuebs ultimo. E compania Alpha, a sufrí un perdida di 80 homber den e batalla aki. Di e total aki 75 ta corresponde na e pelotonnan cu a caba cu 106 comunista.

Asamblea General ta continua awe cu debatenan riba Medio Oriente

NACIONNAN UNI -- E Asamblea General di Nacionnan Uni awe ta reanuda su debate riba e conflicto di Medio Oriente pa continua cu e periodo extraordinario di reuni na cual el a ser convocá. Durante e fin di siman, tabatin algun speranza di cu presidente di Merca, Lyndon B. Johnson y e promer minister soviético Alexei Kosygin lo yega na un entendimiento pa supera e crisis plantea entre Israel y mundu Arabe.

Rumornan cu Kosygin lo pasa Cuba durante viahe pa Rusia

NEW YORK -- E prome minister soviético, Alexei Kosygin awe tabata preparando pa sali cu rumbo pa Moscu mientras cu e version ta circula, di cu e por hasi escala na La Habana pa bishita e promer minister di Cuba, Fidel Castro durante su viahe di regreso. Observadornan ta calcula cu si Kosygin bala capital Cubana, lo e hasi esaki pa demonstra mundu cu su reunion cordial cu presidente Lyndon B. Johnson tabata solamente un gesto di cortesia y cu e no ta compromete nada encuanto posible desviacionnan di e política di Union Sovietica den asuntunan mundial.

Opinion di Merca y Rusia ainda contrario riba Vietnam y Medio Oriente

WASHINGTON -- Merca y Union Sovietica te ainda tin opinionnan contrario riba e conflicto di Vietnam y e crisis den Medio Oriente. Pero presidente Lyndon B. Johnson ta calcula cu su combersacionnan cu e promer minister di Union Sovietica, Alexei Kosygin a pone cu mundu di awendia ta poco menos peligroso.

Papa Paulo VI a anuncia nombramentu di 27 cardenal nobo pa iglesia

CIUDAD DEL VATICANO -- Awe Papa Paulo VI a notifica 27 prelado formalmente cu nan a ser nombrá como principe di Iglesia y asina el a aumenta e cantidad di miembronan di e Sacro Colegio di cardenal na e total sin precedente di 118. Den mensahe cu el a dirigi na e cardinalnan nobo, e Sumo Pontifice a papia riba un cantidad di temanan manera e lugarnan sagrado di Jerusalem, e posicion di Iglesia den paisnan comunista y e reforma di e organismo rector di iglesia catolica.

Gangsternan ta liquidando otro pa desacuerdo na Colombia

BOGOTA -- Mientras cu polisnan tabata intensifica nan campanja contra gangsterismo na Colombia, delincuencia na su turno a explota den un serie di actonan di venganza, entre nan mes. E desacuerdo ta pa e repartimiento di botin di e robonan riba entidadnan bancaria e industrial. Cincu dia pasá nana hanja cadaver di e delincuente Pedro Luis Castillo Ramirez, hefe di un banda poderoso cu ta opera entre Venezuela y Colombia den su apartamento.

Gobierno di Siria a liquida dos oficial cu kier a coge gobierno

EL CAIRO -- Awe gobierno Sirio a ehecuta dos oficial di ehército Sirio dilanti di un peloton di fusilamentu pasobra nan a trata di realisa un golpe di estado durante e guerra contra Israel, segun a ser informa door di e agencia semioficial Egypcio di Medio Oriente. E despacho riba e sentencia ta e promer indicacion di cu tabatin un intento pa derroca gobierno di Siria mientras nan tabata bringa contra ehército di Israel.

ASISTENCIA POLICIAL PA DESUNIONNAN FAMILIAR

WILLEMSTAD - Desunion familiar durante fin di siman tambe a causa basta dolor di cabes pa autoridadnan policial. Asina polisnan mester a sali un'or di marduga diasabra pa bai regla un cuestion den Steenmijnweg

caminda un muher tabatin problema cu un homber.

Poco promer qu esei tabata na Bonam, caminda polisnan mester a duna asistencia pasobra un homber a saca su yiu muher for di cas.

RESULTADONAN DI GRANDES LIGAS

SAN LOUIS --UPI-- Dick Hughes a permiti Filles di Filadelfia cuater hit, mientras Roger Maris a kibra un empate di dos carreda den octavo inning cu homerun pa duna Cardenales di San Louis victoria di tres-dos. Maris a honronea contra e perdedor Rick Wise.

Filles a tuma ventaha di 2-0 den prome inning cu homerunnan consecutivos di Richie Allen y Johnny Callison.

Cardenales a empata den segundo inning cu hit, base por bola, hit y roletazo.

Pa Cardenales e portorriqueño Orlando Cepeda a bai en blanco den cuater turno; e dominicano Julian Javier tambe a falla na bate den tres turno, pero el a anota un carreda.

Pa Filles: e cubano Tony Taylor a bai en blanco den cuater turno y su paisano Tony Gonzalez a conecta un hit den cuater biha na bate sin impulsa ni anota.

ATLANTA -- E dominicano Felipe Rojas Alou y Mack Jones, cu doblote y dos hit cada uno, a encabesa e ataque cu diestres hit, pa Bravos di Atlanta derrota Mets di New York cu score di 12-4. E ofensiva a duna Ken Johnson e victoria, mientras Bob Shaw a perde.

Pa Bravos e dominicano Felipe Rojas Alou a conecta un doblote y dos hit, den cinco turno, anotando dos carreda. E cubano Orlando Martinez tabata di dos y uno, cu dos carreda impulsa y un anota. Su paisano Miguel de la Hoz a falla na bate, e pitcher portorriqueño Ramon Hernandez a ocupa monticulo durante un inning, den cual el a permiti un hit, cu un base por bola, sin hanja turno na bate.

Mets no tabatin latinoamericano nan den nan line-up.

CINCINNATI -- Un rally di tres carreda den nobeno inning a duna Piratas di Pittsburgh un victoria di cuater-dos riba Rojos di Cincinnati. Un hit a saca e pitcher habridor pa duna lugar na e perdedor Ted Abernathy, cu a duna base por bola y hit pa un carreda, despues di un fly di sacrificio y salida di e pitcher, e basenan a yena cu boleto intencional. Un wild pitch a produci e segundo carreda di e inning y e boricua Jose Pagan a impulsa e otro cu fly.

Cincinnati a habri cuenta cu un carreda den tercer inning cu hit, sacrificio y hit di e cubano Chico Ruiz. Gene Alley a empata cu homerun den septimo. Un homerun di Jim Coker a pone Rojos dilanti 2-1 den octavo inning. Pa Piratas, e dominicano Mateo Rojas Alou y e boricua Roberto Clemente a bai en blanco. E dominicano Manuel Mota a cubri centerfield pero no tabatin turno. Pa Rojos e cubano Chico Ruiz a conecta di cuater-uno y a impulsa un carreda, sin anota y su paisano Tony Perez a bai en blanco den tres turno.

SAINT PAULO MINNEAPOLIS -- Harmon Killebrew a e pega un homerun den septimo inning contra e pitcher perdedor Joel Horlen pa yuda Dean Chance, cu a duna tres hit y a hiba Minnesota Twins na un victoria di 1-0 riba Medias Blancas di Chicago.

Chance a permiti un doblote y dos hit, un di esakinan tabata di Horlen. Pa Mellizos e venezolano Cesar Tovar a bai di tres-cero; e panamero Rod Carew tabatin tres-uno; e cubano Tony Oliva di tres-cero, mescos tambe su paisano Zoilo Versalles cu ademas a comete un error. Otro cubano, Sandy Valdespino cu a cubri leftfield, pero no tabatin turno.

Medias Blancas no tabatin latinoamericano nan den nan alineacion.

NEW YORK -- Al Downing a permiti seis hit y a contribui na su propio victoria cu un homerun den tercer inning, contra e pitcher perdedor Denny McLain pa hiba Yankees di New York na un victoria di 3-1 riba Tigres di Detroit. McLain a permiti tambe homerun solitario na Tom Tresh den cuartito inning y Steve Whitaker den

segundo. E carreda di Tigres a bini den sexto inning riba tres hit.

E mexicano Ruben Amaro di Yankees a bai di cuater-uno sin anota, ni empuha ni hasi error.

KANSAS CITY -- Cu ayudo di cubano Minnie Rojas, e nobato Rick Key Clark a blanquea Atleticos di Kansas City, obteniendo pa Los Angeles di California un victoria di dos-cero.

Jay Johnston a habri octavo inning pa e bishitantenan, contra e pitcher perdedor Jim Hunter cu un doblote. Jim Fregosi a conecta su tercer hit consecutivo despues, empuhando e prome carreda.

E segundo a bini den un inning despues pa doblote di Bobby Knoop y hit di Rojas. E latinoamericano no a hasi error y no a bati extrabase.

Pa Kansas City: e cubano Bert Campaneris a bai di tres-uno. E panameño Ramon Wegster di cuater-cero; y su compatriota Oswaldo Chavarria igualmente en blanco den tres turno.

Pa Los Angeles, e cubano Jose Tartabull no tabatin actuacion oficial na bate. Rojas a bati di 1-1. Riba monticulo el a tira un

inning y dos tercio sin permiti ni hit ni carreda, e no a duna base por bola y a poncha dos bateador.

BOSTON -- Tony Conigliaro a impulsa dos carreda cu un homerun y un hit mientras Joe Foy a despacha dos triple y dos hit pa hiba Medias Rojas di Boston na un victoria di 8-4 riba Indios di Cleveland. E batasonan a facilita e triunfo di Lee Stange, cu a duna nueve hit. Conigliaro a conecta su homerun contra e perdedor Sonny Siebert den prome inning. E localnan a conecta un total di 13 incogible.

E latinoamericano no a hanja extra basenan. No tabatin error. Pa Boston, e cubano Jose Tartabull a bai en blanco den un turno. Pa Cleveland, e dominicano Pedro Gonzalez a bai di dos-cero; E venezolano Gustavo Gol di 1-0. E cubano Jose Azcue a bati hit den cuater turno. Victor Davallillo, tambe di Santo Domingo a bai di dos y uno, el a anota un carreda. Orlando Peña di Cuba no tabatin actuacion oficial na bate, riba monticulo el a traha dos inning y un tercio y a permiti cinco hit y cuater carreda limpi, duna un base por bola y no a poncha ningun.

DEBATE RIBA CRISIS NA MEDIO ORIENTE.

NACIONNAN UNI --UPI-- E debate riba e crisis di Medio Oriente a keda practicamente pará den e reunion extraordinario di e Asamblea General pa e reunion na Glassboro di presidente di Estados Unidos, Lyndon Baines Johnson cu e promer Minister di Union Sovietica, Alexei N. Kosygin. E delegadonan a tene un intermedio den nan trabow durante fin di siman cu e posibilidad cla di cu e combersacionnan entre e gobernantenan ta di gran influencia pa desarollo di e periodo di sesionnan cual lo continua diahuna.

Entretantu, ya Rey Hussein a sali for di Amman, capital di su pais pa expone personalmente na Asamblea General puntonan di bista di su gobierno den e confrontacion cu Israel. E monarca cu a biha den jet a baha un ratu na Paris pa papia cu President Charles de Gaulle.

Despues e ta sigui bula pa New York na unda e mester jega awenochi. Hussein, cu lo ta e promer orador diahuna den reunion di Asamblea General, tambe a inclui den su viahe un parada na Roma.

E delegadonan di paisnan cu tratando di hanja un solucion entre e dos proposicionnan diametralmente opuesto a interun nan gestionnan tambe, warda riba resultadonan di e cita Johnson Kosygin cual lo ser riba diadomingo.

E proyecto di resolucion cu ser presentá pa Washington ta vorece negociacionnan directo entre Israel y e nacionnan Arabier cu ta envolvi den e guerra, sin condena ningun hen entretantu cu e ponencia di M. cu ta condena e estado hudu pa agresion, ademas di ta e giele pago di danjonan di guerra y evacuacion di su tropanan di e territorio Arabier cu e ocupa.



LONDRES -- Radiophoto UPI -- E estrella di tennis brasileño M. Bueno, ta yudando e diseñador Teddy, Tingling, quende su p blanco di dacron a shusha ora el a para muchu cerca di e fuente ta situa su tras, na momento cu e tabata duna un demostracion modelonan nobo, Miss Bueno tambe ta bisti na un traje dacron.

COMBERSACION ENTRE DE GAULLE Y KOSYGIN VIA TELEFON DIRECTO

Pa : Art Buchwald.

WASHINGTON -- Presidente Charles de Gaulle ta un hende cu ta muri pa prestigio y tan pronto cu presidente Johnson a duna di cono- ce cu el a papia cu promer minister Kosygin riba e lifa di telefon cayente cu Kremlin durante e guerra Israeli-Arabe, De Gaulle tambe a revela cu e tabata den contacto cu promer minister Kosygin via di su lifa directo cu Kremlin.

Mientras cu nos sa kiko a ser papia entre presidente Johnson y pro- mer minister Kosygin riba nan lifa cayente, ningun hende sa kiko De Gaulle y Kosygin a papia riba dje -- te awor numa.

"Hello promer minister Kosygin, Aki ta presidente de Gaulle."

"Si presidente De Gaulle, con ta bai cu bo?"

"No ta djles pa mi sa....."

"Bo kier wanta un cabel asina, compañero presidente? Mi tin presidente Johnson na e otro lifa."

Diezcinco minuit despues De Gaulle a bolbe jama tur rabiá.

Un secretaria a coge e telefon, "Ta duel mi, Promer minister Kosygin ta papiando riba distancia largu. E por jama bo back?"

"Mi no por warda un ratu?"

"Mi tin miedu cu e cos aki por dura algun tempu, Djles laga bo number y mi tin sigur cu e ta yama bo back ora e caba."

Un dia siguiente De Gaulle a bolbe jama.

"Ah, presidente De Gaulle," asina Kosygin a contesta, "Net mi tabata bai yama bo, Kiko mi por hasi pa bo?"

"Mi tabata kier a splica e posicion di Francia respectu e situa- cion den Medio Oriente."

"O, naturalmente, Kiko bo posicion ta?"

"Ai Caramba, ata e telefon directo cu Casa Blanca ta ring atrobe. Bo por warda mi un ratu?"

Promer cu De Gaulle por a contesta, e telefon a zona "Click".

Tres ora despues De Gaulle tabatin e telefon ainda den su man. El a bolbe jama Kosygin. Ya na e momento ey tabata anochi den Union Sovietica y enbes di e promer minister Ruso, De Gaulle a hanja e baby sitter na telefon quende a declara, "senior Kosygin a bai Bolshoi y no ta bini back sino te laat, Bo tin algun respondi pe?"

"Djles bisele cu presidente De Gaulle a yama."

"Warda un ratu, mi tin cu bai busca un potlood. Bo kier spell bo number pa mi?"

"D di divino, E di ego, G di grandi, A di alba, U di union, L di Lord, L di luminoso y E di explosion si e no yama back."

E siguiente dia Kosygin a yama De Gaulle na telefon via di e comuni- cacion directo.

"Ta duel mi compañero presidente, cu mi no a yama bo ayera, pero mi no por a kibra e combersacion cu presidente Johnson."

Pero por favor bisa mi kiko bo kier a bisa ayera."

"Tur loke mi kier a bisa Monsiur Kosygin ta cu....."

Segun presidente De Gaulle tabata papiando, e por a tende Kosygin ta papia na un otro telefon cu un otro hende. "Mi no por papia cu presi- dente di Merca awor. Mitin De Gaulle na telefon, Kiko bo kier meen, e no por warda Okay."

Weta aki, compañero presidente, mi no kier interrumpi bo, pero presidente Johnson kier papia cu mi inmediatamente. Mi tin un idea.


Bo ta mind si mi graba loke bo papia? Ora bo tende tres "beep" cuminsa papia y ora bo bolbe tende e señal aki, esey ta nifica cu e tape a caba."

Promer cu De Gaulle por a contesta algu, el a tende e tres beepnan y el a cuminsa papia.

"E posicion di Francia den Medio Oriente ta lo siguiente: Nos no ta hasi nada....." De Gaulle a tende tres pitu y un voz a bisa, "E a caba di hasi un anuncio grabá. Bo por serra telefon numa."

Ningun hende no sa si Kosygin a tende e tape aki, pero un hende a tende pa casualidad con e promer minister sovietico a bisa presi- dente De Gaulle, na momento cu e tabata bandonando Paris pa bai Nacionnan Uni:

"No yama mi, Mi mes ta yama bo."



WILLEMSTAD, -- Diabierne anochi, Sr. Jean-Jacques van Belle, Hoofdredacteur y editor di e revista Holland Herald, acompaña pa su dos redactornan a jega Corsouw, cu avion di KLM biniendo for di New York. Motibu di e bishita aki ta cu, Sr. Van Belle tin intencion di dedica un edicion completo di Hol- land Herald na Antillas Neerlandes. No ta necesario pa bisa cu esaki ta di gran importancia turistico pa nos isla.

E revista Holland Herald tin un circulacion di mas o menos 150,000 cual ta ser distribui na tur parti di mundo, pero principalmente na bordo di tur avion di KLM. E ta ser publicá completamente na Ingles y ta duna informacion di tur factor importante di e bida di awendia di Hulanda of di Hulandesnan na otro parti di mundo. Intencion di e grupo aki ta pa keda Corsouw dos siman.

Muher a paga hasido di bruha mas qu seis mil florin pa curele

WILLEMSTAD - No obstante e hecho qu frecuentemente ta ser señala e peliger qu ta sinta den busca curamentu cerca hasidonan di bruha, asina mes constante- mente tin casonan caminda hen- denan a perde nan placa sin re- cupera nan salud.

Ta solamente siman pasá nos a trese un relato extenso tocante un caso di bruheria qu a ser tra- tã den corte y durante cual cla- ramente a ser establece qu e hendenan qu ta practica e clase di actividadnan aki, no ta nada otro sino estafadornan qu di e manera aki ta yega facilmente na placa. Con tin hende qu ta risca pone nan confianza den un persona qu ta pretende di por yudele, sin promer busca drechi ta ken e hende aki ta, pa nos ta un mis- terio.

Un caso asina a ser denuncia diabierne anochi cerca reche- ranan ora qu un muher a bin conta nan con un homber qua sali for di prison colege cabes abao y a logra kita mas qu seis- mil florin for di dje.

E muher a conta polisnan qu e ta malu pa años y cu den su desesperacion, el a dicidi di ten- de conseho di otro hende quen- denan a bisele pa busca contac- to cu un homber di 54 aña quende supuestamente por yama spiritu cualnan na nan turno lo por cura e muher.

E muher a dicidi di bai cerca e homber y na varios ocasion el a haña diferente "remedi" pa cual e mester a paga sumanan qu ta varia entre 75 te 100 flo- rin.

Despues qu e "tratamentu" aki a dura hasta tempu, e homber a bisele qu a yega e momento pa curele completamente pero qu e cos aki lo costele 3700 florin pa barata.

E muher, den su desesperacion y sin placa contante, a dicidi di bende su cas pa 6500 florin y una bes qu e tabatin e placa, e homber a cuminsa hasi e pre- paracionnan pa "cura" e muher.

Durante un ceremonia qu a tuma lugar mei mei anochi den mondi di Seroe di Domi, e muher a en- trega e homber e placa, y esaki na su turno a hasi como si fuera el a cura e muher.

Sin embargo, despues qu e muher a sigui malu, el a bin compronde cu e homber a tumele hasi maka- ku y porfin el a compronde qu e mester pone polisnan na altura di loke a sosode.

Inmediatamente reche ranan a busca e homber y a detenele y a resulta qu ta un conoci bieuw di nan qu tabata abusa di e ig- norancia di otro hendenan.

A resulta tambe qu un total e homber a estafa e muher pa 4660 florin. E hasido di bruha a caba di sali for di Koraal Specht ca- e muher.

minda el a sinta ocho aña pa de- litanon qu ela comete, entre cual- nan hasimentu di bruha.

Durante e interrogacion a sali na cla qu e homber tabatin dos otro caso "en tratamentu" pa cualnan el a cobra en total 1400 florin.

Pero e victimadi mas grandi tabata e muher en cuestion quende a perde 4660 florin cu e gracia di e hasido di bruha.

Diasabra anochi mes reche ran- nan a detene e hasido di bruha y nos ta calcula qu lo e tin qu sinta balente tempu mas atrobe pa motibu di su fechorianan.

Una bes qu nos ta papiando riba e topico aki, ta bon pa bolbe muestra tur nos lectornan qu cues- tion di hasimentu di bruha ta so- ketada.

Una bes qu e hendenan aki ser denuncia y qu nan mester presen- ta dilanti di hues, ta resulta qu nan no ta nada otro sino estafa- dornan qu ta probecha di ignoran- cia di nan victimanan pa kita placa for di nan.

Den caso di e muher qu a denun- cia e homber siman pasá, nos ta puntra nos mes ta di con e muher aki no por consulta cu dokternan, qu ta hendenan qu a studia años pa cura hende, y enbes di hasi esaki, ta pone nan confianza den man di estafadornan qu di e ma- nera aki ta biba bon riba custia di otro hende.

Cuminda pa pushi y cacho



No duna bo animalnan mas cu- minda cu nan por come pa blaha. Si den un blaha di come, nan no come tur e cuminda, no warda esaki pa e otro blaha, pero tirele afor. E siguiente blaha, duna e bestianan algu menos.

Cachó chikitu y tambe pushi di seis siman pa 3 luna mester come 5 blaha pa dia. Di tres luna te 6 luna: 3 blaha pa dia. Ora nan bira 6 luna te 12 luna, esta un anja bieuw: 2 blaha pa dia. Despues di esaki bo por dunanan un cuminda completo pa dia, pero e mester ta regular si, kier meen, semper parti mainta, of semper atardi.

Tene cuenta cu pushi tambe ta bebe awa, pues pa pushi tambe un baki di awa frescu mester ta na su alcance. Awa ta pa kita su sed. Lechi ta un "lekkernij" pe.

ORGANISACION "DIERENBE- SCHERMING".

POLISNAN MESTER A PAGA CANDELA

WILLEMSTAD - Durante fin di siman tabatin varios candela chikitu na diferente lugar riba nos isla. Talbes e hecho qu ultima- mente ta reinando un calor com- bina cu segura enorme riba nos isla tambe ta causa parcial di e candelanan aki, pero esaki alabes ta indica qu no por ta suficiente cauteloso.

Diadomingo polisnan mester a paga dos candela chikitu den Jean Rodierstraat mientras qu riba Schottegatweg West, tambe un pa- lu di tamarijn a pega candela. Brandspuit di Mundu Nobo a sali pa paga e candela.

BERRY'S WORLD



"He looks so 'cunning,' when he's asleep—and 'resource- ful,' too!"

Jim Berry © 1967 by NEA, Inc.

